

**RELACION**  
**PËR**  
**PROJEKTLIGJIN**  
**"PËR KRIJIMIN DHE FUNKSIONIMIN E SHOQËRISË**  
**SHTETËRORE TË PYJEVE"**

**I. QËLLIMI I PROJEKTAKTIT DHE OBJEKTIVAT QË SYNOHEN TË ARRIHEN.**

Ky projektligj ka për qëllim krijimin, organizimin dhe funksionimin e Shoqërisë Shtetërore të Pyjeve "SHSHP sh.a.", si një ndërmarrje shtetërore e ngarkuar me administrimin, zhvillimin dhe shfrytëzimin e qëndrueshëm të pasurisë pyjore shtetërore në Republikën e Shqipërisë.

Nevoja për ndërmarrjen e kësaj reforme buron nga mangësitë strukturore të sistemit aktual të menaxhimit pyjor, i cili karakterizohet nga fragmentim institucional dhe mbivendosje kompetencash ndërmjet strukturave shtetërore dhe atyre të qeverisjes vendore, kapacitete të kufizuara teknike dhe financiare në nivel vendor, kontroll i pamjaftueshëm mbi burimet pyjore si dhe zbatim joefektiv i legjislacionit në fuqi. Gjithashtu, vihet re mungesa e një planifikimi të integruar në nivel kombëtar dhe shfrytëzimi i pamjaftueshëm i potencialit ekonomik që ofrojnë pyjet shtetërore.

Në këtë kuadër, krijimi i SHSHP sh.a. synon kalimin nga një sistem i fragmentuar dhe reaktiv në një model të centralizuar, profesional dhe ekonomikisht të qëndrueshëm, në përputhje me standardet dhe praktikat më të mira evropiane.

Organet drejtuese të Shoqërisë Shtetërore të Pyjeve sh.a., në përputhje me legjislacionin në fuqi për tregtarët dhe shoqëritë tregtare, janë Asambleja e Përgjithshme e Aksionarit, Këshilli Mbikëqyrës dhe Administratori. Kompetencat, detyrat dhe përgjegjësitë e këtyre organeve përcaktohen në përputhje me legjislacionin përkatës në fuqi, si dhe detajohen më tej në aktet nënligjore që do të miratohen në zbatim të këtij ligji.

**II. VLERËSIMI I PROJEKTAKTIT NË RAPORT ME PROGRAMIN POLITIK TË KËSHILLIT TË MINISTRAVE, ME PROGRAMIN ANALITIK TË AKTEVE DHE DOKUMENTE TË TJERA POLITIKE**

---

Relacion shpjegues për projektligjin "Për krijimin dhe funksionimin e Shoqërisë Shtetërore të Pyjeve sh.a."

Ky projektligj nuk është planifikuar në programin e përgjithshëm analitik të projektakteve të vitit 2026 për Ministrinë e Mjedisit.

### **III. ARGUMENTIMI I PROJEKTAKTIT LIDHUR ME PËRPARËSITË, PROBLEMATIKAT, EFEKTET E PRITSHME**

Projektligji “Për krijimin dhe funksionimin e Shoqërisë Shtetërore të Pyjeve” paraqet një ndërhyrje të domosdoshme ligjore dhe institucionale, e cila synon përmirësimin rrënjësor të mënyrës së administrimit, zhvillimit dhe mbrojtjes së pasurisë pyjore shtetërore në Republikën e Shqipërisë. Nevoja për këtë ndërhyrje lidhet ngushtësisht me sfidat aktuale të sektorit pyjor, si dhe me domosdoshmërinë për të ndërtuar një model të qëndrueshëm, efikas dhe transparent të menaxhimit të këtyre burimeve natyrore.

Një nga përparësitë kryesore të projektaktit qëndron në krijimin e një strukture të centralizuar dhe të specializuar, e cila do të ushtrojë funksionet e administrimit të fondit pyjor në mënyrë të integruar. Përmes themelimit të Shoqërisë Shtetërore të Pyjeve si një shoqëri aksionare me kapital 100% shtetëror, synohet rritja e eficiencës në menaxhim, duke siguruar ndarje të qartë të përgjegjësiave dhe përmirësim të kapaciteteve profesionale dhe teknike. Ky model organizimi mundëson gjithashtu aplikimin e praktikave moderne të menaxhimit, në përputhje me standardet ndërkombëtare dhe politikat kombëtare në fushën e mjedisit dhe zhvillimit të qëndrueshëm.

Projektligji kontribuon në rritjen e transparencës dhe përgjegjshmërisë publike, përmes parashikimit të mekanizmave të detyrueshëm të raportimit, auditimit dhe publikimit të informacionit. Kjo krijon kushte për një administrim më të hapur dhe më të kontrollueshëm të pasurisë publike, duke rritur besimin e publikut dhe të aktorëve të interesuar. Njëkohësisht, orientimi i shoqërisë drejt një modeli me parime tregtare, por me objektiva publike, krijon mundësi reale për gjenerimin e të ardhurave, duke kontribuar në ekonominë kombëtare përmes shfrytëzimit të qëndrueshëm të burimeve pyjore dhe zhvillimit të aktiviteteve ekonomike të lidhura me to.

Nga ana tjetër, projektakti adreson një sërë problematikash të evidentuara në funksionimin aktual të sektorit pyjor. Fragmentimi institucional dhe mungesa e koordinimit ndërmjet institucioneve të ndryshme kanë sjellë shpeshherë Relacion shpjegues për projektligjin “Për krijimin dhe funksionimin e Shoqërisë Shtetërore të Pyjeve sh.a.”

mbivendosje kompetencash dhe menaxhim joefektiv të burimeve. Gjithashtu, mungesa e një strukture të dedikuar me kapacitete të mjaftueshme për monitorim, inventarizim dhe planifikim afatgjatë ka kufizuar mundësinë për ndërhyrje të qëndrueshme dhe të mirëorganizuar në këtë sektor. Në këtë kontekst, projektligji synon të kapërcejë këto mangësi përmes konsolidimit të funksioneve dhe forcimit të kapaciteteve institucionale.

Një tjetër problematikë e rëndësishme që synohet të zgjidhet është shfrytëzimi i pakontrolluar dhe, në disa raste, informal i burimeve pyjore, i cili ka çuar në degradim të ekosistemeve dhe humbje të vlerave natyrore. Mungesa e një qasjeje të strukturuar ekonomike ka kufizuar gjithashtu potencialin e sektorit për të gjeneruar të ardhura dhe për të kontribuar në zhvillimin rural. Përmes këtij projektligji, synohet krijimi i një modeli të ri menaxhimi, i cili kombinon mbrojtjen e mjedisit me zhvillimin ekonomik, duke garantuar një përdorim të balancuar dhe të qëndrueshëm të burimeve pyjore.

Efektet e pritshme nga miratimi dhe zbatimi i këtij projektligji janë të shumanshme. Në planin institucional, pritet një përmirësim i ndjeshëm i menaxhimit të fondit pyjor, përmes një planifikimi më të mirë dhe kontrolli më efektiv të aktiviteteve në terren. Në aspektin ekonomik, parashikohet rritje e të ardhurave për buxhetin e shtetit, si rezultat i zhvillimit të aktiviteteve tregtare të lidhura me pyjet dhe shfrytëzimit të qëndrueshëm të tyre. Në planin mjedisor, pritet reduktim i aktiviteteve të paligjshme, përmirësim i biodiversitetit dhe rritje e sipërfaqeve të pyllëzuara, nëpërmjet programeve të ripyllëzimit dhe rehabilitimit.

Gjithashtu, projektligji pritet të ketë ndikim pozitiv në zhvillimin rural, duke krijuar mundësi të reja punësimi dhe duke nxitur aktivitete ekonomike në zonat pyjore. Rritja e transparencës dhe aksesit në informacion do të kontribuojë në forcimin e besimit publik dhe në përmirësimin e marrëdhënieve ndërmjet institucioneve dhe qytetarëve. Në një plan më të gjerë, ky projektligj ndihmon në përafrimin e legjislacionit dhe praktikave të vendit me standardet e Bashkimit Evropian dhe angazhimet ndërkombëtare në fushën e mbrojtjes së mjedisit dhe menaxhimit të burimeve natyrore.

Në përfundim, projektligji përbën një hap të rëndësishëm drejt modernizimit të sektorit pyjor në Shqipëri, i bazuar kryesisht në modelin Austriak, duke krijuar

---

Relacion shpjegues për projektligjin “Për krijimin dhe funksionimin e Shoqërisë Shtetërore të Pyjeve sh.a.”

bazat për një menaxhim të qëndrueshëm, efikas dhe transparent të pasurisë pyjore shtetërore, në funksion të interesit publik dhe zhvillimit afatgjatë të vendit.

#### **IV. VLERËSIMI I LIGJSHMËRISË, KUSHTETUTSHMËRISË DHE HARMONIZIMI ME LEGJISLACIONIN NË FUQI VENDAS E NDËRKOMBËTAR**

Projektligji i propozuar është në mbështetje të nenit 100 të Kushtetutës, në harmonizim me dispozitat e ligjit nr. 9901, datë 14.04.2008 “Për tregtarët dhe shoqëritë tregtare”, i ndryshuar. Projektligji po ashtu, është hartuar në përputhje me *acquis* komunitar të Bashkimit Europian, veçanërisht me kërkesat e Kapitullit 27 (Mjedisi dhe Ndryshimet Klimatike). Modeli i propozuar, i cili është bazuar kryesisht në modelin Austriak të menaxhimit të pyjeve, parashikon:

- i. Forcimin e kapacitetit institucional për zbatimin e direktivave europiane të mjedisit;
- ii. Adresimin e mangësive të identifikuara në raportet e progresit të BE-së;
- iii. Promovimin e menaxhimit të qëndrueshëm të burimeve natyrore;
- iv. Mbështetjen e objektivave të Paktit të Gjelbër Europian (European Green Deal).

#### **V. VLERËSIMI I SHKALLËS SË PËRAFRIMIT ME *ACQUIS COMMUNAUTAIRE* (PËR PROJEKTAKET NORMATIVE)**

Ky projektligj nuk përfron me *Acquis* të BE-së.

#### **VI. PËRMBLEDHJE SHPJEGUESE E PËRMBAJTJES SË PROJEKTAKTIT**

Projektligji është strukturuar në 20 nene, të cilat parashikojnë si vijon:

**Neni 1**, i cili parashikon objektin e ligjit, i cili konsiston në krijimin, organizimin dhe funksionimin e Shoqërisë Shtetërore të Pyjeve, si subjekt përgjegjës për administrimin dhe zhvillimin e qëndrueshëm të pasurisë pyjore shtetërore.

**Neni 2**, i cili rregullon krijimin e shoqërisë si një shoqëri aksionare me kapital 100% shtetëror, përcakton autoritetin publik që përfaqëson shtetin si aksionar dhe nivelin e kapitalit fillestar.

---

Relacion shpjegues për projektligjin “Për krijimin dhe funksionimin e Shoqërisë Shtetërore të Pyjeve sh.a.”

- Neni 3**, i cili përcakton statusin juridik të shoqërisë si person juridik me karakter tregtar, si dhe parimet bazë mbi të cilat ushtron veprimtarinë e saj.
- Neni 4**, i cili parashikon selinë qendrore të shoqërisë dhe mundësinë e krijimit të degëve dhe njësive operative në territorin e Republikës së Shqipërisë.
- Neni 5**, i cili përcakton qëllimin e veprimtarisë së shoqërisë, duke përfshirë administrimin, mbrojtjen, rehabilitimin dhe zhvillimin e qëndrueshëm të pasurisë pyjore.
- Neni 6**, i cili sanksionon parimet themelore të menaxhimit të qëndrueshëm pyjor, përfshirë ruajtjen e biodiversitetit dhe funksioneve ekologjike.
- Neni 7**, i cili përcakton fushën e veprimtarisë dhe kompetencat konkrete të shoqërisë në menaxhimin dhe shfrytëzimin e burimeve pyjore.
- Neni 8**, i cili rregullon transferimin e pasurisë pyjore shtetërore në administrim të shoqërisë, pa cenuar pronësinë publike.
- Neni 9**, i cili përcakton organet drejtuese të shoqërisë dhe bazën ligjore për organizimin e tyre.
- Neni 10**, i cili rregullon rolin e Asamblesë së Përgjithshme të Aksionarit si organi më i lartë vendimmarrës.
- Neni 11**, i cili përcakton përbërjen dhe funksionet e Këshillit Mbikëqyrës, i cili ushtron drejtimin strategjik dhe mbikëqyrjen e shoqërisë.
- Neni 12**, i cili parashikon rolin e Administratorit si organ ekzekutiv dhe përgjegjësitetë e tij kryesore.
- Neni 13**, i cili përcakton detyrimin për hartimin dhe miratimin e planeve të menaxhimit dhe të biznesit.
- Neni 14**, i cili rregullon burimet financiare të shoqërisë, si dhe detyrimet për raportim financiar dhe auditim.
- Neni 15**, i cili parashikon bashkëveprimin ndërinstucional me organet shtetërore dhe institucionet e tjera relevante.
- Neni 16**, i cili përcakton mekanizmat e kontrollit dhe raportimit periodik të veprimtarisë së shoqërisë.
- Neni 17**, i cili garanton transparencën dhe të drejtën e informimit për publikun.
- Neni 18**, i cili parashikon nxjerrjen e akteve nënligjore dhe afatet për ngritjen dhe funksionalizimin e shoqërisë.
- Neni 19**, i cili përmban dispozitat kalimtare për vijimësinë e strukturave ekzistuese deri në përfundimin e procesit të transferimit.
- Neni 20**, i cili përcakton hyrjen në fuqi të ligjit.

## **VII. INSTITUCIONET DHE ORGANET QË NGARKOHEN PËR ZBATIMIN E AKTIT**

Për zbatimin e projektligjit ngarkohet Ministria e Mjedisit, Ministria e Financave, Ministri i Shtetit për Pushtetin Vendor dhe Agjencia Kombëtare e Pyjeve.

## **VIII. PERSONAT DHE INSTITUCIONET QË KANË KONTRIBUAR NË HARTIMIN E PROJEKTAKTIT**

Projektligji i propozuar është hartuar nga Ministria e Mjedisit dhe i përcillet për mendim, nëpërmjet sistemit e-akte: Ministrisë së Financave, Ministrisë së Drejtësisë, Ministrin të Shtetit për Pushtetin Vendor dhe Ministrisë së Ekonomisë dhe Inovacionit dhe Ministrin të Shtetit për Administratën Publike dhe Antikorrupsionin.

## **IX. RAPORTI I VLERËSIMIT TË TË ARDHURAVE DHE SHPENZIMEVE BUXHETORE**

Ky projektligj parashikohet të sjellë pasoja financiare për buxhetin e shtetit që lidhen me kapitalin fillestar të SHSHP sh.a.

Kapitali fillestar për krijimin e “SHSHP”, sh.a., është 50,000,000 (*pesëdhjetë milion*) lekë. Vlera e kapitalit fillestar përbëhet nga shumat e transferuara nga buxheti i AKP-së menjëherë pas regjistrimit të shoqërisë në Qendrën Kombëtare të Biznesit.

**MINISTRI**

**Sofjan JAUPAJ**

